

Число 6

Ужгород, 15. марта 1923.

Рочник III.

ВЛАХОВІСТНИК

ДУХОВНА ГАЗЕТА ДЛЯ ПОДКАРПАТСКИХ РУСИНОВ

Выходить двараз в мѣсяцъ
каждого 1-го и 15-го.

АДРЕС:
редакції и експедиції:
REDAKCIJA „VLAHOVISTNIK“
Užhorod, Kapitulska, 3..

ПРЕДПЛАТА:
на рок 12.— К
одно число 60 К
За границу 20 -. К
До Америки..... 1 Д)

ОБЯВЛЕНИЯ
принимаются по цѣнѣ
за 1 сторону .. 100 К
за 1/2 сторону .. 50 К
за 1/4 сторону .. 25 К

Любъм правду!



ЕРАЗ вадяться люде за такѣ рѣчи, до
которых не розумѣються, правду которых не
видять ясно. И вадяться цѣлком негра-
мотнѣ люди напримѣр о вопросѣ „происхо-
ження св. Духа“.

Ци розумное — то дѣло спорити таким над та-
кими высокими дѣлами?

За смиренну вѣру не буде нас вѣчный судія вино-
ватити на страшном судѣ, но за непокорность айно!

Где е ключ правды? У того, который сказал, что
е *начатком* всего. „Аз от выших есм... аще
не имете вѣры, яко аз есм, умрете во грѣ-
сѣх ваших“ (Io. 8, 23—24).

Без него никто ничего не розумѣє. Лиш той може
быти спокойный, который здастся на источника вѣчноѣ
правдѣ, который просить для себе *правду Божу*.

Та солодкій брате, проси для себе тулу ласку
Божу, тото свѣтло правды, проси каждого дня! И
найдеш!

Ибо кто сим путем глядае правду, той не за-
блудить. Найде свѣтло розумѣння и глубоких думок, в
которых легко заблудити ибо тото свѣтло оджене *при-
страстъ сердця, придасть свободу думаня*.

Так поднесена душа доброго и побожного чоловѣка
знае наперед постановити собѣ свои дѣла, котрѣ має
робити. Не будуть его тягнути злѣ наклонности, не
буде тяжко ему *повиноватися здоровому розуму*.

Тота найтяжша задача чоловѣка, котра состоить
в том, чтобы перемог самого себе, буде для него з
дня на день легшою.

Без свѣтла вѣчноѣ правдѣ в житю нашем буде
все много неясности.

Позвѣдайте хоть котрого несчастника брата на
шого, что заблудив от истинноѣ вѣры, ци буде знати
подати ясну одповѣдь, ож прочто лишив теплоту дома
родинного. Не буде знати. Одповѣдь его, як човень на
грозном морю, буде метатися по волнам неясностей.

Буде виноватити духовника, церков, каждого, лиш
самого себе нѣт.

А если бы смиренным сердцем припозерався на
свои дѣла, на свои чувства, порозумѣв бы, прочто
не свѣтить ѹому ясность правды. Прочто оставила его
просвѣщаюча ласка Божа.

Може дакто мати хоть як високу высоту пре-
мудrosti, если не стараєся о *честное житя*, если по-
корно не приклонить голову свою перед источником
всякої правды, дуже легко заблудить от правды и
станеся несчастным.

Много, много было мудерцов, котрѣ из гордости
выступали против правды Божої, но где они? Про-
пали. На мѣстах их позасѣдали другъ и сесъ также
без слѣду, марно згинуть.

Но вѣчна правда останеся правою на вѣки и
тот е найрозумнѣйшій, кто всѣ земнѣ рѣчи уважає за
смѣтя, обы лиш мог собѣ *Христа заслужити* (фил. 3. 8.)

Исполняйме во всѣх дилах волю Божу, а не свою,
тогда будеме ходити по пути правды! (B).



О непорочном зачатії Пресв. Дѣви Марії.

Вѣра наша православна — каѳолическа учить, что *преблагословенна Дѣва Марія* — ради заслуг Г. Іисуса Христа, кто мав от неѣ родити ся по плоти — *была сохранена от первородного грѣха от своего зачатія*.

1. Кождый християнин должен знати, что грѣх Адама и Евы перешов на каждого человѣка, так, что всѣ люде с сим грѣхом родять ся на сей свѣт; слѣдствіем сего грѣха человѣк в моментъ своего рождества не мае в души своей *благодати освѧщающей*; дѣтина усопша зараз по рождествѣ своем — не маючи еще благодати освѧщающей — не може зайти в царство небесное. Сію благодать освѧщающую новорожденый получить в св. *Крещенію*. Св. Крещеніе мае туту силу, что изотре из нашей души грѣх первородный в подае нам благодать освѧщающую. Через се достали'сме право на царство небесное, и сталис'ме сынами Божіими; дѣтина по крещенію усопша зайде в царство небесное.

Порозумѣвшіе так сущпость первородного грѣха, легко порозумѣти в чом состоить непорочное зачатіе Пресв. Дѣви Маріи. Оно только значить, что *душа Пресв. Дѣви Маріи от первой минуты своего существованія — зараз в минутѣ еѣ зачатія в утробѣ св. Аннѣ — получила туту благодать освѧщающую, котру другѣ люде лиш в св. Крещенію получають*.

2. На чом оснуєся сіе преимущество Пресв. Дѣви Маріи ? Причина сей особливой Божої ласки мае свою основу в том,

что Пресв. Дѣва была от вѣка предназначена стати Матерю Сына Божого; и як бы быв мог Бог допустити, чтобы тата Марія, от которой мав родити ся Бог, хоть бы за малый час, была причастна грѣху, находила ся под проклятіем Божім и была рабынью діявола ?!

Читаеме в Біблії, что Бог проклявши в раю сатану сказав ему: „**И враждъ положъ между тобою и между женою и между склоненіемъ твоимъ и между склоненіемъ ея; она блудникою будетъ главъ твою**“ (Бит. 3, 15). Туй по ученію св. отцов подженою розумѣє ся Пречиста Дѣва Марія, а „вражда“ меже женою и діяволом состояла передовсѣм в том, что она ни за минуту но подлежала его власти, ни за минуту не была осквернена грѣхом діявола т. е. от початку своего существованія мала на души своей благодать освящающую.

И наши церковнѣ, богослужебнѣ книги свѣдчать о том, что св. Матери Церкви ніяк не чужое ученіе о непорочном зачатію Пр. Дѣвы Маріи.

3-го децембра св. мати Церков называе Пресвяту Дѣву „**единого непорочную** (по 2 каѳизмѣ съдалень).

13-го септембра: „**Снаснію всего началницу, блаженнѣйшій Іоакимъ и Anna славна, чистю и непорочную и пречистю Богородицъ родиша...**“

9-го децембра: **Е**ѣ же святое почитимъ зачатіе (пѣснь 3, съдалень) Но найлѣпшій доказ непорочного зачатія Пресвятої Дѣвы Маріи то, что Восточна Церков из давен давна установила праздник: **Зачатіе св. Анны, єгда зачатъ Пресвяту Богородицу;** чим св. Мати Церков означати хотѣла, что зачатіе Пресв. Д. Маріи было чось надзвичайное, чось святое и достойное святкованія.

3.. Коли сей праздник перешов из Востока на запад, докотрѣ латинскѣ богословы почали противити ся его заведенію и почалися споры о непорочном зачатію Пр. Д. Маріи. Но дѣйствием Духа Святого Церков все лѣпше склонялася до принятія праздновання непорочного зачатія Богоматери и коли сея истина достаточно уяснилася для всѣх и ученіе сіе было достаточно обосновано богословами, и коли всюди праздновали память непорочного зачатія Богоматери, года 1854 каѳол. Церков устами своего верховного учителя папы Пія IX-го оголосила, что непорочное зачатіе есть предметом вѣры, находить ся в откровеніи

Божіем и кождый христіян должен так вѣровати. Сим св. каѳол. Церков не завела новость, лиш торжественно оголосила загальну вѣру всего христіянства.

4. В руськй Церкви еще перед р. 1854 была не только позната, но радо пріята догма непорочного зачатія. Профессоры Кіевской православной академії в 16—18 вѣках с клятвою обязали ся защищати сіе ученіе, а студенты общества основали на честь сей догмы.¹⁾ Архиепископ черниговскій Лазар Баранович (которого Дим. Ростовскій „стовном православія“ назвав) так восклицає: „**Како та 8блажлемъ Пр. Дѣво, мы въ безаконіихъ зачаты безъ грѣха зачатвю?**“²⁾ Само так учив о. Іоанникій голятовскій ректор и игумен Кіевского монастыря.³⁾ Само тое ученіе находит ся в первом изданиі Чети-Миней изданным Ди-метріем, который в руськй Церкви считает ся святым, и лишь из позднѣйших выданій вычеркнули на приказ московского патриарха Іоакима!

Также повным правом учить св. каѳол. Церков, что Пречиста Дѣва Марія зачата безъ первородного грѣха. Сесю вѣру довжен держати кождый христіянин, кто честує Пресвяту Богородицю и хоче быти членом Церкви еъ сына, Іисуса Христа. Не tota „православна“ вѣра мила перед нею, котра отрицає сіе великое отличіе Богоматери, но tota, котра и в сей точцѣ указала, что не отступила от ученія св. Отцов, св. Писанія, св. Преданія, св. богослужебных книг, навѣть ни от знаменетнѣйших руських богословов. (б)

Борьба за церков.

Кто еще до теперь то думав, что в шизматицкой вѣрѣ находиться дачто из христіянской любви, из лагодности Христового характеру, из духа: да любите друг-друга, того найношѣйшѣ злочины шизматиков конечно вытвerezять из сего дуршого и легкомысленного убѣжденія. Шизматики вже четвертого року из дня на день голосно и явно доказывают, что их оружіе, их средство розширенія „святого православія“ не молитва, не пост, не проповѣдь, не христіянскѣ чесноты, но дикій фанатизм,

1) Вышиневскій, Кіевская Академія Кіевъ 1903, ст. 227.

2) „Трубы словесъ“ Кіевъ 1684 ст. 99.

3) „Ключ розуміння“ Кіевъ 1639 ст. 172.

брутальнѣ напады, террор, несправедливость, битка, насилиствіе— все то, что повно осуждае всяка христіянска вѣра, все то, что грѣхом считаютъ не только христіянскѣ, но всѣ и нехристіянскѣ религіи. Кто еще сомнѣвався вотки походить шизматицка вѣра, видячи их „добрѣ дѣла“ повно и совершенно переконается, что : от Христа нияким способом нѣт ! От, читайте слѣдуючи факты :

Бедевля (ж. Марам.) В сем марамарошком селѣ шизматики через довгій час хосновали нашу церков. Сего року, 19-го фебруаря через рѣшеніе окр. суда была нам передана церков, котру мы перебрали и спокойно хосновали за якійсь час. 25-го марта мы пошли до церкви на утреню, под которым часом два шизматики : Чонка Иван „апостол америцкій“ и Бедев Михаил, Іовнашов „іеромонах“ сковалися в турнѣ, и як мы из утрени выйшли, зазвонили як на огень (звычайное шизматицкое звоненія) ; на се шизматики збѣглися из всѣх боков и с криком, бѣгарами, камѣнями (майже всѣми шизм. средствами) напали на нас и почали нас навертати на „святу православію“. Еден из них Василь Ришко, церк. закричав на нашего отца духовного : — Дай ключи, бо згинеш !

Потом разбили замок на дверях, зайшли у церков и без батюшки там дачто отслужовали. Здається, что пак напудилися, бо пошли до жандаров и казали, чтобы уніяты ишли до церкви, бо они вже вышли. Но наши на шизматиков так розлютилися, что уже не пошли у церков и о. духовный сам отслужив службу Божу.

4-го марта знов повторялися битангства шизматиков. Як мы того дня вечерню откончили, шизматики зарвалися в церков, зазвонили по шизматицки (на огень), збѣглося около 200 шизматиков и из церкви выходячого о. духовного С. Сабова, Ивана Деака, терновскаго пѣвцоучителя, котрого гр.-каѳ. закликали на недѣлю пѣвчество кончити, также и больше бедевельских гр.-каѳ. вѣрников, с каменьом кидали. На розказ Василія Маркуша и Ивана Чонка бедевельскѣ шизматикѣ на команду „гураг“ аж до дому провадили гр.-каѳоликов, между котрими 5 тяжко побитѣ. В селѣ першѣ роздражителѣ народа : Дебич, сельскій староста, И. Маркуш и И. Тивадар (Палчей).

Тепер чекаеме, что буде дальше. Если правительство и дальше готовое терпѣти такѣ насильствія и несправедливости,

тогды маеме то думати, что туй законы лиш на папери суть, або правительство такое слабое, что не смѣє выступити против звичайных злочинців. По сих лиш то дуже смѣшное дѣло, что еще шизматики смѣють жаловаться, что их преслѣдують.

В Буштинѣ 22-го фебруаря перебрав церков о. Костантин Пуза и примирив церков в котрой зараз отправив молебен благодарный. Из церкви всѣ церковнѣ приборы покрали шизматики. По полудню о. Пуза перебрав фару. На фарѣ была „шизматицка богословска академія“ где училися (?) якъсь особы от лѣт 15 до 35. Не знати гимназисты, препарандисты, або — прости Бог ! — ачей „клерики“ были. Як они не хотѣли выйти из „университету“, жандары выкѣряли их на улицю. На фарѣ пак найшли ся книжки церковнѣ и ризы (завязанѣ и завѣшенѣ на оден клинец). Но сесѣ „клерики“ указали ся смѣлими, бо в слѣдуючої ночи вломили ся у фару и хотѣли дале продолжати жандарами перерваний „университетскій семестер“. Б субботу рано 23/II быв торжественный екзамен. „Клерики“ выгнанѣ жандарами, с зайдами на плечах машировали перед о. духовным Пузою и якъ свиньства, якъ лайки лиш могли, такими почестовали нашего духовника. Сей быв их екзамен и с сим кончив ся — надѣмеме ся что на вѣки — „богословска наука“ в Буштинѣ.

Смиренно позвѣдаеме минист. совѣтника п. Пешека, ци мав вѣдомость о существованію такого рода школы, яка екзистовала в Буштинѣ и ци готовый терпѣти, чтобы шизматицкѣ батюшки собѣ выховували таких „террористов, Ленинхлопцов“ против честного гр. каѳол. населенія и всякого рода законного розпорядженія ? !

— Великѣ Лучки. Великолучанска схизма на шеѣ носит уже мотуз, с которым задавитися мае. Доказуєся се в прочих и с тым обстоятельством, что заправоченнѣ из причины обхрабленія гр. каѳт. церкви и маєтков церковных, по групам приходят к підлокату Епархії, и котрій яким способом хоче „вынятися“ из права. „Я не гр. каѳт., ани схизматик, но перейшов ем на вѣру баптистов“, каже першій; „мене уже так забаламутили с шилиякими вѣрами, что ани в Бозѣ не вѣрю“ каже другій; „я не участвовал в бунтах, брутальностях и грабежах, только красно напоминаю о. Кабація, чтобы не мѣшався межи звѣрѣ“, каже

третій — и докончаютъ свою бесѣду такъ: „Выпишѣтъ мене изъ права, бо не хочу, чтобы мои земли пролицитовалися ..“

Се запах той чорной поливки, о которой на семъ мѣстѣ уже говорилося !

И что роблят кухарѣ: Гагатко, Чволь, Фельди, коли видяте, что ихъ пациенты не достали лѣка отъ епарх. адвоката ?, коли видятъ, что группы ними изведеннѣ смутно вертаются изъ Мукачева ?

Сходятся съ пациентами своими въедно на „собраніе“. Юрко Чволь известный пришелецъ лучановъ и мадьярон, который за часовъ бывшого режима и на руській вопросъ по мадьярски отвѣтивъ, себѣ „Балогомъ“ перекрестивъ и теперь на схизматицкѣ шеѣ засѣвъ, — почне говорити, что: „православіе въ опасности, пайдьомъ до Праги, тамъ мы очень гарашихъ заступниковъ маємъ, они помогутъ намъ...“

Юрко Чволь еще отъ бывалыхъ часовъ привыкъ къ тому, чтобы го народъ послухавъ. Якъ бывшій смѣренный гр. кафтоликъ часто паломничивъ до Марія-Повчи и такъ сими слuchями, якъ и дома внутръ и внѣ церкви за его голосомъ стихотворилися краснѣ лучанскѣ пѣсни.

Но бывшое дѣйствованіе его не выплатилося, переложивъ также теперь свой „кругъ дѣйствія“ на собранія...

Симъ часомъ уже не „бабки“ спѣваютъ за нимъ, але хлоповъ читавыхъ 189.

Пошла такъ депутація схизматицка изъ Лучокъ до Праги: „до самого министра...“ .

И что принесла вотти? Сесю низку брегню:

Министеръ Чволь-Фелди-Гагатковскихъ справъ выповѣвъ, что: „понеже ванце есть большенство, церковь останеся вашею, тыхъ пару уніятовъ выплатите на ихъ частку, кедь ласкавѣ будете, та готово дѣло.“

И настала велика радость въ кругахъ схизматицкихъ, „тадъ але уже не треба платити“.

Такъ то обманюе помянутый тріумвирятъ довѣрчиковъ своихъ.

Но звѣдаемеся: чому не завернула „комисія“ разомъ уже и до Брна?

Тамъ могла бы была дознатися, что при судовомъ разбирательствѣ не „большинство“, але законъ має предупредити всѣ другѣ точки зрењія! И что уже опредѣленый е часъ послѣдной розправы!!!

Лучанским съизматикам не буде, бо не може мѣритися другою мѣрою, як прочим! Нересница, Пудлеша, Вонѣово, Копашново, Буштина, Салдобош и пр. в найблизшой минувшости доказали силу законов и тулу правду, что судовѣ форумы нашей Републики не хотят, не могут и не будут судити против законов.

Что же до „большинства“, примѣтити треба, что „большинство“ роспяло к кресту наибольшу Правду, Спасителя І. Христа, по он славно воскресъ. „Большинство“ гонило правдиву православну кафтолическу Церковь Христову через столѣтія и Она побѣдила. Подобное, „большинство“ бореся и в В.-Лучках против правды, но правда днесь-заутра просвѣтится!

Лучане, котрѣ здоровым разумом разсуждаете просѣть письмо от „коммиссії“, но пустым бесѣдам не довѣряйте!

Не вѣруйте обманам схизматицким! Просѣть письмо!

Св. сповѣдь — источник душевных радостей.

(Поученіе на время покаянія.)

Св. великий пост есть часом покаянія, часом душевного обновленія. Путь сего обновленія щира, смѣренна, добра сповѣдь. Многѣ боять ся сповѣди и смотрять на неѣ с даяким страхом. Сей страх не мае жадного фундамента, бо св. сповѣдь есть жерелом великих радостей и душевных потѣх.

1. Одна стародавна легенда говорить: Пустинник еден звѣдае от Ангела:

— Скажи мнѣ, дуже'м бы любив знати, что есть в очах Божіих наймилійшое? Ачей меже покусами житя посохранити невинность тѣлесну?

— Нѣт, — каже ангел — далеко не то.

— Або може смерть мученическа за Бога и вѣру?

— Еще все нѣт — каже ангел.

— Або може оставити фамилію, отечество и пойти у далеку чужину, и просвѣщати дикѣ народы свѣтлом христової вѣры?

— Еще и сесе нѣт.

— Та тогды и цѣли не знаю что.

На се повюх его ангел у одну вязницю, де правѣ еден известный разбойник кончив свою щиру сповѣдь.

— Се то, что наимилѣйшое перед Богом — казав ангел и зник.

Видите якое милое перед Богом и яка радость ему наверненіе грѣшника а щирое покаяніе.

И кому не доста сесе оповѣданя, най подумае на притчу Іисуса о блудном сынѣ. Той отець блудного сына кождого дня як чекав, с якою надѣю, что верне ся его сын. И як его сын пришов, в роздертом, паскудном убраню, отець, так неблагодарно залишений с невысказанною радостію обняв его, притиснув его до своего отцевского сердца и повелѣв устроити на знак его великой радости гостину торжественну. И на концѣ приведу самъ слова Спасителя: „Въ нѣкъ больша радость надъ наверненіемъ одного грѣшника, лкъ надъ 99 прикѣдными“.

Зробѣм и мы сесю велику радость Богу небесному. Не отмѣнно еще перед Великоднем. Но окрем сего случая хоть коли маєте способ в церкви помирити ся с Богом небесным в щирой сповѣдѣ и причинити ему таку радость, яку причинив блудный сын.

2. Но головно для нас есть сповѣдь жерелом невысказанной радости ; правда что сповѣдь пожадае не мало *самоотверженія, насть и борьбы*, бо чоловѣк не дуже вдячно признає свою провини и слабости, но за всѣ сесь трудности богато заплатить нам *спокой совѣсти*.

Еден генерал, кто уже 40 роков не сповѣдав ся тяжко похворѣв ся, и в шпиталѣ лежав. Монахиня, котра его доглядала в хворотѣ, мала журу и на то, чтобы ему и душа выздоровѣла ся. Едного дня так узвала ся до генерала: „Пане генерале, в шпиталѣ е еден священик, ци не могли бы вы с сим корыстati ся и помирити ся с Богом“. Генерал пообѣцав. В каплицѣ сповѣдав еден священик. Коли се увидѣв генерал напудив ся, и хотѣв выйти из каплицї. У дверех стрѣтив ся с монахинею: „Як, пане генерале, вы боите ся сповѣди, вы котрѣ так хоробро, неустрaшимo постояли стe в столь много опасностях войны и битвы ?“ Генерал ганьбливо и еще все с страхом в сердцѣ вернувся и каплицю и высловѣдав ся. Коли старый докончив сповѣдь, и освободив ся от тяжкого терха душевного, нагло така велика, така солодка радость исполнила его сердце, что вернув ся назад до сповѣдальницї и обняв руками священика. Он себе чувствовав дуже счастливым ; сердце его перед тым такое ху-

добное теперь такое богатое, перед тым такое розорваное и неспокойное, теперь такое тихое и спокойное, перед тым такое порожнное, теперь такое повное, такое радостное. Спокой, радость, блажество суть плодами его помириня с Богом.

Одно доброе скончену сповѣдь можеме поровняти с радостю св. Великодня. И Великдень попередить страстна седмиця, смерть души через смертельный грѣх,[¶] гроб в студеної земли. А по сповѣдѣ слѣдуе воскресеніе души нашей, воскресеніе из гроба грѣхов на новый, красшій, лѣпшій живот. Наше сердце повное радостю Великодною, радостю, бо сповѣдь тата „смерть душевну побѣдила, и души сущей в гробѣ животъ даровала“.

Зато приступайме все охотно до св. сповѣди. Она видить ся тяжкою, а она легка, видить ся трудною а она мила, видиться горькою, а она солодка, як мед, видеть ся порожною и она исповнить недзвичайною утѣхою и радостю наше сердце.

ІЗ ЖИТЯ СВЯТЬІХ

Св. сорок мучеников, в севастійском озерѣ мучивших ся.

(9. марта.)

Ликиній император (в IV-ом столѣтію) страшно переслѣдовав христіян. В одном полку, стоявшем в арменском мѣстѣ Севастіи находило ся 40 воинов христіянских, которых про их храбрость всѣ любили и почитали. Когдї Ликиній выдав розказ, примусити християн покланяти ся языческим идолам, вояки нѣяким способом не хотѣли отречи ся христіянской вѣры и на всѣ просьбы и угрозы все лишто отвѣчали: „Дѣлай с нами что хочеш, мы христіяне и не поклониме ся ложным Богам“.

Было се в мартѣ, а погода была дуже холодна. Царскій судія велѣв загнati воинов на ночь в озеро, что находило ся близко мѣста, а над берегом розказав огня наклисти, ож котрый захотѣв бы отречи ся вѣры христіянской и сик избавити ся от смерти, нашов где загрѣти ся. Один из сорок мучеников не вытерпѣв страшного холода,

вырек ся вѣры и пошов до огня грѣти ся ; по на пути упав мертвым. Другѣ же не перестали молити ся и пѣти набожнѣ пѣснѣ и псалмы.

В ночи осіяло их ясное свѣтло. Видячи се темничный сторож, так переняв ся вѣрою мучеников, что здоймив из себе одеж и с словами : и я христіянин зайшов у озеро и став разом с мучениками. Так дополнілося знов число 40 святых исповѣдников вѣры Христовой.

Як другій день рано засвяло, на леду озера лежало, тоненьким снѣгом покрыто, сорок померзнутых труп молодых крѣпковѣрных исповѣдников. Яку страшну поч мали они перебыти ! В снѣгу, в морозѣ, в леду голо и наго, без жадного притулка !

Невдовга пришов розказ от начальника города, вытягнути трупы на берег, костя розламати и трупы сналити. Каты взяли ся до роботы. При послѣдній стали :

„Видить ся менѣ, что сесь жіе; може чо отрече ся Христа ? !“

Пришли возы, поклали трупы на них, только ёго одного лишили на леду. Як он утямив, что ёго товаришов несуть, а он там зостане, засмутив ся и почав плакати. Но встати и выїзти но воз, не мав силы.

Мати ёго не далеко стояла коло него и позерала чо ся дѣ. Як она утямила, чо євъ сына оставили на озерѣ, набрала ся мужеской силы, прискочила идъ сынови, взяла ёго на плечѣ и простыми стоцами понесла 'го до воза. Доки мати сына несла, умер сын на плечах материинских ! Як дойшли до воза, положила мати сына свого на воз, до товаришов ёго и сказала :

„Хвала Тобѣ Господи, чо мой сын еще днесь в раѣ буде с Тобою !“

И потому помолила ся : „Прийми Господи Іисусю Христе сей плод мой, чо ты менѣ даровав из твоей доброты. Колись я его носила под сердцем и я принесла его на сей свѣт. Видѣ, днесъ принесла я его Тобѣ на моих плечах и отдаю Тобѣ назад. Господи подай ми ласку видѣти ся с ним в царствѣ небесном, удостои мене участницею быти той славѣ, котра уготована для него и для его товаришов в вѣчном животѣ.“

ЛІТЕРАТУРА

Нива ч. 2. о. Адам Солодух сообщає гдеjakъ историчнѣ даты из перебыванія св. Іосифата в. Вильнѣ; о. др. Г. К. занимаетъ новым планом польского правительства о роздѣленю великих маєтков и стоить на том, что сельскѣ духовники для чесного выживаня потребуютъ найменше 40 моргов поля. О. Алекс. Корепецъ в стать: Потреба чтоденного розважаня, вручае в вниманіе духовников велику потребу размышенія кождоден-наго. Др. Р. Ковшевичъ о Jus naturae, Др. Г. Костельник же о ноезіи Ив. Франка продовжають свои стать. Вѣсти из свѣта, Новѣ книжки и Всячина заключаютъ богатое содѣржаніе сей часописи.

Предплатити на Ниву можно и в ред. Благовѣстника. 20 Кч. на рок.

Великостнѣ проповѣди. О. М. Марисюк ЧСВВ Цѣна 6 К

Святыня на Колчово-Длугим.

К.-Длуге не великое село у Земплинской жупѣ, обователей має 1000 душ, из сых $\frac{1}{3}$ -на греко кає.

В первых днях декабря минувшого рока, една жена Анна Шафа чудеснѣ вѣдѣнія мала, вѣдѣла Пречисту Дѣву Марію, котра еѣ появилася и розказала еѣ, чтобы люде ходили молитися до еї хатѣ, ибо як явленіе говорило: „сія хата уже не твоя, но моя“. И от сего часа, непрестинно чудеснѣ явленія дѣються; першій раз много людѣй велику зарю видѣли над хыжою, котра така силна и ясна была, что люде то думали ачай горить. Но коли вышли на улицу, указало ся, что сія свѣтлость установилося над хатою Аннѣ Шафа. Сію велику ясность найлѣпше мож было вѣдѣти на руській наш святой Вечер и тут прийде человѣку на гадку слова св. Писаніе: „И пришедша звезда, и ста верху идѣже бѣ Отроча“.

17-го януаря же скоро разпространялася вѣсть, что рапенко о б годѣнѣ показался образ Пр. Дѣвѣ Маріи. Менѣ, як мѣстному пароху зараз дали знати, что ся стало, и я пойшов, по тым часом чисто не вѣдѣв ем образ, лиш контуры образа, котрѣ так поуказалися, ги негатива фотографичного скла.

Но щастлившы быв ем 21—20 януаря, коли ходив ем хижи святити. Як ем ступив до хижи, на стѣнѣ тотчас ем побачив образ Повчанской Богородицы, так красно и ясно, якбы лиш сам повчанскій образ быв ем видѣв. Можете себѣ подумати, что як глубоко тронуло мене сіє явленіе, но не довго тервало, ибо о 2—3 минуты далей ем не видѣв.

От сего часа многораз быв ем на К.-Длугим, меже прочима 11. фебруаря вечером о 6 годинѣ; и як ем став напротив стѣни, помало указався образ, айбо тым часом Покрова Богородицы, и так красно и чисто, якбы найкрашій рисунок быв бы. Сес образ больше як $\frac{1}{2}$ години ем видѣв. *И на сіє готовый ем хотъ коли присягнути, ибо съ своими властними очами ем видѣв*, и всѣ притомнѣ у хатѣ.

Окрем сих чудесных образов, образы появили ся и на деревѣ, которое там стоит перед хижою; пр. о Адалберт Дудич войчанскій парох голову Іс. Х.-та з терновым винцем видѣв. Много людей выздоровилося уже на К.-Длугим. У „Благовѣснику“ помяпуть быв еден из сих: Іосиф Бачинскій из Рафайловиц; Михайл Дзуревчин из Страского на едно око цѣлком слѣпый быв, тепер видит. Анна Шкарупа из Фалкушовец силну болѣзнь головну мала, выздоровилася. Марія Юрчова також из Баньского. Грицко Бертиова дѣвочка из Дриновской Новой Вши (Шаришска ж.) слѣпа была, прозрѣла. Гелена Кочанова из Крижлова (Шариш) также.

Дня 20 и 21 фебруара была выслана комісія на К.-Длугим и тогды выслуганѣ были свѣдки, котрѣ едноголосно свѣдчили о том, что видѣли сами.

Если Богу небесному так ся пачить, о короткій час прекрасна Церков буде збудованна на честь Пречистой Богородицы.

о. Августин Гегедюш
сачуровскій грк. парох.

НІОВОСТІ

— **Выименованя.** Преосв. епископ внименовав о. Конст. Пузу до Буштины (ж. Марм.).

— **Апостолска ревность.** У Пряшевѣ великопостнѣ проповѣди держитъ не меньша особа, як сам епископ пряшевскій, др. Нярадій.

— **Новый календарь в Росії.** Россійскій церковный собор выдав розпорядженіе, по которому от 12-го юнія одинственно новый т. е. грекоріянскій календарь можно ужинати на цѣлой територіи Россіи. (Что на се кажуть напѣ „православнѣ“?)

— **Розумний отвѣт.** Вел.. Севлюшкій жупан одної депутації, котра предложила ему скаргу о насильствіях шизматиков то отвѣчав: „Ди маєте большенство? Люде отвѣчали: Мы правду глядаем а не большенство и вы то маєте глядати, а не большенство! (Добрѣ говорите честнѣ люде, лиш павперед смѣло!)!

— **Свобода вѣры.** Бѣлецкѣ суботники на Стрѣтеніе призвали проповѣдника свого, чтобы им в Колбасовокой школѣ проповѣдь держав. Прибившій проповѣдник не довго мог говорити, бо под командою батюшки до школы за зарвавшися „православнѣ“ индіанским криком задавили голос его, даже и смертю угрожали. Се е свобода вѣры? (Русин)

— **Назад у Христову Церков.** В Уличкривѣ (ж. Земпл.) минувшого года також выбухла шизма; комитет шизматецкій на чолѣ с др. Гомичком зубным доктором выслав тим п. Méhesa, професора малірского языка в ужгородской горожанской школѣ, кто в своих молодших и розумнѣйших роках гр. каѳ. священиком быв. Но старый Méhes по довго управляв своим стадом, бо кривскѣ люде, у которых шизма ѿцѣ цѣлком не взяла чистий и здоровый разсудок, минувшого тыждня отповѣли п. Мѣон-они и самовольно пе-

редали церков гр. каѳ. право-славному духовнику. Честь и похала вам кривскѣ люде! Бо лѣпше вернутися назад до правдивої вѣры, як умерти в ересѣ и утратити царство небесное за Méhesa. Если бы п. Méhes были бы лиш на только розумнѣ як вы, и он бы пошов за вашим примѣром! Еще и ему не поздно!

— **А. Дзубай** епископ амे-рицких шизматиков завдав прошеніе в Рим, чтобы пріяли его знов в лоно каоул. Церкви. Сей крок о. Дзубая не свободно нам легковажити. Надѣ-емсяся, что за нем слѣдуе великое число шизм. духовников и людей, котрѣ признавше свое заблужденіе вернуться назад до своей отцевской гр.-каѳ. прав. вѣры. Дай Боже, чтобы гнѣв, ганьба, сором, человѣческа засмѣленность, и головно злоба агитаторов не спиняли добре и спасительное намѣреніе заблудших.

— **Діонізій Изай,** головный куратор бѣлецкой гр. каѳ. церкви в роцѣ 66 житя помер. Покойный быв великим оборо-ронцем гр. каѳ. вѣры против шизматиков. Погреб одбывся 25-го фебр. в Бѣлках. В. е. п.

— **Упокоився.** Отдав Богу небесному душу свою безсмертну 24-го фебр. оден худобный, яко в заслугах богатый

кошашневскій селянин: Симеон Бринзей, кто головно в борьбѣ за церковъ вызначився. Погребли его без духовника, бо не хотѣвъ, чтобы вѣроломник батюшка отправляв над ним шизматицкій обряд погребанія.

— Сконфисковали христи-

янску газету „Свободу“ за одну статью писану въ оборонѣ христ. русиновъ противъ жидовъ. Христіянска публика на сесю сконфискацію має отвѣтчи съ тымъ, что съ предплатою и розширеніемъ „Свободы“ еще лѣпше укрѣпляє сего хороброго поборника христіянскихъ идеаловъ.

— Короткѣ вѣсти. Президентъ нашей републики 7-го марта мав имѧнины и уродины; изъ сего поводу въ ужгородской каѳедр. церкви было торжественное богослуженіе.

— Арпадъ Варадій метрополитъ въ Калочѣ (Мадярщина) 18-го фебруара упокоився. — Новый апост. нунцій выименованый до Видня; архіеп. Сибилла; его попередникъ: Мархетті став секретаремъ пропаганды. — Въ Африцѣ года 1922. начислялося хр.-каѳоликовъ 2,310.000; меже ними 2285 бѣлыхъ и 248 чорноскурыхъ священиковъ. Передъ 80 роками еще было только 100.000 христіян — Въ Литвѣ хр.-каѳоликовъ е высше 2 мил.; живуть въ 3 епархіяхъ подъ веденіемъ около 1000 священиковъ.

— Каѳолическій епископъ д-ръ Хр. Шрайберъ выименованый на унив. каѳедру въ Липську. — Академія наукъ въ Парижѣ выбрала своимъ членомъ каноника Serderens-а професора хемії, кто уславився особливо тымъ, что вынайшовъ средство противъ філоксеры.

ПЕРЕПИСКИ РЕДАКЦІИ.

Просвѣта. Америка. Благовѣстникъ пише руському народови народнимъ языкомъ. Ож добра пише, о томъ свѣдчить величое число предплатниковъ и горяча любовъ тысячи читательовъ.

М. Г. Ваша сензація въ Великодномъ числѣ!

І. П. Воловое. Щироо благодареніе за ревность.. Претилата ваша и Скунз Іосифа рахуеся до конца 1922.

М. Сушко Slavonia. Стая ваша поздно пришла. Просиме только на один бокъ папѣря писати.

РЕДАКТОР-ИЗДАТЕЛЬ:
АВГУСТИН ВОЛОШИН.

ОТВѢЧАТЕЛЬНЫЙ РЕДАКТОРъ:
ЕМИЛІЯН БОКШАЙ.